



Wales Centre for Public Policy
Canolfan Polisi Cyhoeddus Cymru

Tlodi ac allgáu cymdeithasol: adolygiad o dystiolaeth ryngwladol ar addysg a gofal plentyndod cynnar

Irene Bucelli ac Abigail McKnight

Y Ganolfan Dadansoddi Allgáu Cymdeithasol, Ysgol
Economeg Llundain

Medi 2022

Ein Cenhadaeth

Mae Canolfan Polisi Cyhoeddus Cymru yn helpu gwella'r broses o lunio polisïau a gwasanaethau cyhoeddus trwy gefnogi gweinidogion ac arweinwyr gwasanaethau cyhoeddus i gael mynediad at dystiolaeth annibynnol drylwyr am yr hyn sy'n gweithio, a'i rhoi ar waith. Mae'n gweithio mewn partneriaeth ag ymchwilwyr ac arbenigwyr polisi blaenllaw i gyfuno a defnyddio dystiolaeth sy'n bodoli eisoes a nodi bylchau lle mae angen cynhyrchu gwybodaeth newydd.

Mae'r Ganolfan yn annibynnol ar y llywodraeth ond yn gweithio'n agos gyda llunwyr polisi ac ymarferwyr i ddatblygu syniadau newydd ynghylch sut mae mynd i'r afael â heriau strategol ym meysydd iechyd a gofal cymdeithasol, addysg, tai, yr economi a chyfrifoldebau datganoledig eraill. Mae'n:

- Cefnogi Gweinidogion Llywodraeth Cymru i nodi dystiolaeth awdurdodol ac arbenigedd annibynnol sy'n gallu helpu i lywio a gwella polisïau, cael mynediad atynt a'u defnyddio;
- Gweithio gyda gwasanaethau cyhoeddus i gyrchu, cynhyrchu, gwerthuso a defnyddio dystiolaeth ynghylch yr hyn sy'n gweithio wrth fynd i'r afael â'r prif heriau economaidd a chymdeithasol; ac yn
- Tynnu ar ei gwaith gyda Gweinidogion a gwasanaethau cyhoeddus i hyrwyddo dealltwriaeth o sut gall dystiolaeth lywio a gwella'r broses o lunio polisi a gwasanaethau cyhoeddus a chyfrannu at ddamcaniaethau ynghylch llunio a gweithredu polisi.

Trwy secondiadau, lleoliadau PhD a'i rhaglen Prentisiaethau Ymchwil, mae'r Ganolfan hefyd yn helpu i feithrin gallu ymysg ymchwilwyr i gymryd rhan mewn ymchwil sy'n berthnasol i bolisi sy'n cael effaith.

I gael rhagor o wybodaeth, ewch i'n gwefan drwy www.wcpp.org.uk

Arianwyr Craidd



Sefydlwyd Prifysgol Caerdydd yn 1883. Mae Caerdydd yn brifysgol uchelgeisiol ac arloesol sydd wedi'i lleoli mewn prifddinas ffyniannus, ac mae'n benderfynol o feithrin perthnasoedd rhyngwladol cadarn wrth iddi amlygu ei hymrwymiad i Gymru.



Economic and Social Research Council

Mae'r Cyngor Ymchwil Economaidd a Chymdeithasol (ESRC) yn rhan o Ymchwil ac Arloesedd y DU, sefydliad newydd sy'n dwyn ynghyd saith cyngor ymchwil y DU, Innovate UK ac Research England i wneud y mwyaf o gyfraniad pob cyngor a chreu'r amgylchedd gorau i ymchwil ac arloesi ffynnu.



Llywodraeth Cymru
Welsh Government

Llywodraeth Cymru yw llywodraeth ddatganoledig Cymru, sy'n gyfrifol am feysydd allweddol o fywyd cyhoeddus, gan gynnwys iechyd, addysg, llywodraeth leol, a'r amgylchedd.

Cynnwys

Crynodeb	4
Cefndir	5
Cyflwyniad	6
Cyd-destun polisi	6
Tystiolaeth o effeithiolrwydd polisi	10
Heriau a ffactorau hwyluso	18
Casgliad	19
Cyfeirnodau	22
Atodiad: Methodoleg	28
Diolchiadau	33

Crynodeb

- Gall addysg a gofal plentyndod cynnar (AGPC) gael effaith gadarnhaol ar leihau tloedi ac allgáu cymdeithasol drwy ddileu cyfyngiadau cyflenwad llafur teuluoedd a hyrwyddo ystod eang o ganlyniadau plant. Er mwyn i AGPC fod yn effeithiol, dylid mynd i'r afael ag ansawdd y ddarpariaeth ac anghydraddoldebau o ran mynediad.
- Mae tystiolaeth ryngwladol yn dangos bod hyn yn gofyn am fuddsoddiad sylweddol mewn AGPC a rheoleiddio gofalus, tra gwelir bod mesurau fel gwasanaethau cyffredinol (yn hytrach na gwasanaethau wedi'u targedu), lleoedd gwarantedig a chymorthdaliadau hael, yn fwyaf effeithiol wrth gau bylchau.
- O safbwynt lleihau tloedi, mae polisïau AGPC yn ategu polisïau nawdd cymdeithasol a chyflogaeth:
 - Ar y naill law, gall argaeledd AGPC fforddiadwy wella cymhellion i weithio, ond gallai rhwystrau rhag gweithio barhau, a gallai dyluniad y system nawdd cymdeithasol greu anghymhellion rhag gweithio (e.e. ar gyfer ail enillwyr).
 - Ar y llaw arall, oherwydd dangosir bod incwm yn effeithio'n uniongyrchol ar ganlyniadau plant, gall annigonolrwydd trosglwyddiadau arian parod danseilio ymdrechion i hyrwyddo cyfleoedd plant a'u cyfleoedd bywyd drwy AGPC.
- Mae cysylltiadau rhwng AGPC a meysydd polisi yr ymddrinnir â nhw mewn adolygiadau eraill, er enghraifft:
 - **Anfantais drafnidiaeth:** Mae fforddiadwyedd, argaeledd a hygyrchedd trafnidiaeth yn cyfrannu at rwystrau rhag cael mynediad at wasanaethau AGPC.
 - **Camu ymlaen yn y gwaith:** Mae mynediad at ofal plant fforddiadwy o ansawdd uchel yn bwysig er mwyn lleihau cyfyngiadau'r cyflenwad llafur sy'n rhwystr allweddol rhag camu ymlaen (yn enwedig i fenywod).
- Rydym yn gorffen yr adolygiad gyda rhai camau gweithredu addawol sy'n canolbwyntio ar fynd i'r afael â gwahaniaethau o ran mynediad:
 - Diwygio'r cynnig presennol ar gyfer 30 awr yr wythnos;
 - Asesu effaith ddosbarthiadol diwygiadau diweddar; a
 - Gwerthuso'r broses o ehangu allgymorth y cynllun Dechrau'n Deg neu ddiwygio ei ffocws daearyddol.
- O ran ansawdd, amlygir nifer o gamau gweithredu i gefnogi ymrwymiad Llywodraeth Cymru i gynyddu sgiliau a safonau ar draws y gweithlu AGPC.

Cefndir

Comisiynwyd Canolfan Polisi Cyhoeddus Cymru gan Lywodraeth Cymru i adolygu strategaethau, rhaglenni ac ymyriadau tlodi ac allgáu cymdeithasol ledled y byd. Fel rhan o'r gwaith hwn, comisiynwyd y Ganolfan Dadansoddi Allgáu Cymdeithasol (CASE)¹ yn Ysgol Economeg Llundain i gynnal adolygiad o'r dystiolaeth ryngwladol ar bolisïau a rhaglenni addawol a gynlluniwyd i leihau tlodi ac allgáu cymdeithasol ar draws deuddeg maes polisi allweddol. Mae'r adroddiad hwn yn canolbwyntio ar addysg a gofal plentyndod cynnar.

Dyma'r cwestiynau allweddol a ofynnwyd ym mhob un o'r deuddeg adolygiad polisi:

- Pa bolisïau, rhaglenni ac ymyriadau ryngwladol sy'n effeithiol wrth leddfu tlodi?
- Pa briodweddau/safonau a nodweddion sy'n allweddol neu'n gyffredin i'r gwahanol ddulliau hynny?

Ymdrinnir â'r cwestiynau drwy ddarparu:

- Cyd-destun Cymru ym mhob maes polisi a phrif fentrau Llywodraeth Cymru;
- Gwybodaeth fanwl am berthynas y maes polisi dan sylw â thlodi ac allgáu cymdeithasol;
- Crynodeb o'r dystiolaeth ynghylch profiad a allai helpu i ddeall effaith polisïau ar bobl ac ymateb y bobl i bolisïau o'r fath;
- Trosolwg o'r dystiolaeth ryngwladol ynghylch effeithiolrwydd polisïau (gan gynnwys astudiaethau achos); a
- Heriau a ffactorau hwyluso sy'n gysylltiedig â rhoi polisïau ar waith.

Yn ogystal â'r deuddeg adolygiad polisi, rydym wedi llunio adroddiad trosolwg sy'n crynhoi'r dystiolaeth allweddol o bob adolygiad unigol, nodi cysylltiadau rhwng gwahanol feysydd polisi a chloriannu'r holl dystiolaeth i roi nifer o argymhellion polisi, neu gamau gweithredu addawol, ym mhob un o'r deuddeg maes. Cyfeiriwch at yr

¹ Sefydlwyd y Ganolfan Dadansoddi Allgáu Cymdeithasol (CASE) yn Ysgol Economeg a Gwyddor Wleidyddol Llundain (LSE) ym 1997. Canolfan ymchwil aml-ddisgyblaethol ydyw sy'n archwilio anfantais gymdeithasol a rôl polisïau cymdeithasol a chyhoeddus wrth ei hatal, ei lliniaru neu ei gwaethygu. Mae gan ymchwilwyr yn CASE brofiad helaeth o gynnal adolygiadau polisi sy'n ymdrin â thystiolaeth yn y Deyrnas Unedig a llenyddiaeth ryngwladol.

Atodiad i gael manylion am fethodoleg, gan gynnwys sut y dewiswyd y deuddeg maes polisi penodol.

Mae'r gwaith hwn yn rhan o gyfres o adroddiadau a gynhyrchwyd gan WCPP fel rhan o'i gwaith ar dlodi ac allgáu cymdeithasol ar gyfer Llywodraeth Cymru. Yn ogystal â'r gwaith hwn gan CASE, ceir dau adroddiad ar natur, graddfa a chyfeiriad tloidi ac allgáu cymdeithasol yng Nghymru – un yn canolbwyntio ar dystiolaeth a data meintiol, a'r ail yn canolbwyntio ar dystiolaeth o brofiad go iawn (Carter, 2022a; 2022b). Comisiynodd WCPP hefyd y Sefydliad Polisi Newydd i gynnal adolygiad o strategaethau lliniaru tloidi rhyngwladol (Kenway et al., 2022) sy'n archwilio dulliau llywodraethol cyffredinol o fynd i'r afael â thloidi.

Cyflwyniad

Mae'r adroddiad hwn yn adolygu tystiolaeth ryngwladol o rôl gwasanaethau addysg a gofal plentyndod cynnar (AGPC) wrth leihau tloidi ac allgáu cymdeithasol. Mae fforddiadwyedd ac argaeledd AGPC yn ffactorau allweddol sy'n sbarduno tloidi plant ac maen nhw'n peri pryder arbennig yng Nghymru. Er bod y gyfradd tloidi plant yng Nghymru wedi gostwng o 33% yn 2009-2012 (JRF, 2020) i tua 31% yn 2017/18-2019/20 (Llywodraeth Cymru, 2021), teuluoedd â phlant sydd â'r gyfradd dlodi uchaf yng Nghymru (JRF, 2020) ac mae cyfraddau'n debygol o gynyddu (Carter, 2022a), gan wrthdroi'r cynnydd a wnaed ers y 1990au i bob pwrpas.

Amlygir AGPC fel ffactor allweddol sy'n effeithio ar gyflogaeth a lleihau cyfleoedd teuluoedd incwm isel i ddianc rhag tloidi (JRF, 2020). Er bod costau gofal plant yn is yng Nghymru nag yn Lloegr, maen nhw'n parhau i fod yn uchel (Coleman, 2020). Dywed 43 y cant o awdurdodau lleol yng Nghymru nad oes digon o ofal plant ar gael i rieni sy'n gweithio oriau annodweddiadol (JRF, 2020) ac mae argaeledd gofal plant yng Nghymru wedi gostwng yn gyffredinol ers 2019.

Cyd-destun polisi

Mae Llywodraeth Cymru yn cynnig cyllid ar gyfer 30 awr o ofal plant am ddim yr wythnos i blant 3–4 oed, sy'n cynnwys elfen Feithrin gyffredinol y Cyfnod Sylfaen am o leiaf 10 awr. O ran rhieni sy'n gweithio 16 awr yr wythnos ar gyfartaledd ar yr isafswm cyflog, nid yw llawer o deuluoedd sydd mewn tloidi yn bodloni'r gofynion gwaith ac felly maen nhw'n cael eu heithrio gan y cynllun, ond ar yr un pryd dim ond 23% o awdurdodau lleol sy'n gallu darparu digon o ofal plant i fodloni'r hawl (JRF, 2020).

Mae AGPC yn faes polisi y mae Llywodraeth Cymru wedi bod yn weithgar ynddo yn ystod y blynyddoedd diwethaf, gan fod y 'blynyddoedd cynnar' yn un o bum blaenoriaeth drawsbynciol sydd wedi'u cynnwys yn y strategaeth genedlaethol *Ffyniant i Bawb* (Llywodraeth Cymru, 2017). Mae AGPC yng Nghymru yn ymwneud â phlant o 0-5 oed ac mae'n cwmpasu gofal plant a'r Cyfnod Sylfaen (y bydd ei fframwaith yn cael ei ddisodli gan y Cwricwlwm newydd i Gymru). Mae gwahanol asiantaethau, cyrff a rhaglenni yn ymwneud ag AGPC, gan gynnwys:

- **Y Rhaglen Dechrau'n Deg** sydd wedi'i thargedu at ardaloedd difreintiedig ac sy'n darparu gwasanaeth ymweliadau iechyd gwell, mynediad at raglenni cymorth rhianta, cymorth ar gyfer datblygiad lleferydd, iaith a chyfathrebu yn ogystal â gofal plant rhan-amser am ddim i blant dwy i dair oed am tua 2.5 awr y dydd yn ystod y tymor;
- **Teuluoedd yn Gyntaf** sy'n cefnogi teuluoedd mewn angen trwy gydgysylltu traws-wasanaeth ac a weinyddir ar lefel leol;
- **Rhaglen Plant Iach Cymru** ar gyfer pob plentyn 0-7 oed, sy'n canolbwyntio ar ystod eang o ganlyniadau iechyd a datblygiad plant; a'r
- Rhaglen (beilot fwy diweddar) **Trawsnewid Integreiddio'r Blynyddoedd Cynnar** sy'n canolbwyntio ar ddatblygu system amlasiantaethol, fwy integredig ac ymatebol ar gyfer y blynyddoedd cynnar i hyrwyddo datblygiad plant a sicrhau bod gwasanaethau'n cael eu darparu mewn ffordd fwy cydgysylltiedig ac amserol.

Ategir ymagwedd Cymru yn benodol gan Gonfensiwn y Cenhedloedd Unedig ar Hawliau'r Plentyn (CCW, 2017), yr oedd Cymru wedi'i wneud yn rhan o'i chyfraith ddomestig cyn unrhyw wlad arall yn y Deyrnas Unedig. Mae pwyslais ar AGPC hefyd yn rhan annatod o *Strategaeth Tlodi Plant Cymru* (Llywodraeth Cymru, 2015).

Y berthynas â thlodi ac allgáu cymdeithasol

Mae gan AGPC rôl bwysig o ran lleihau tlodi ac allgáu cymdeithasol: ar y naill law, mae polisiâu sy'n **gwrthbwysu costau gofal plant yn rhyddhau mwy o incwm gwario i deuluoedd**; ar y llaw arall, gallant **ddileu cyfyngiadau ar y cyflenwad llafur** a galluogi teuluoedd i weithio ac ennill mwy. At hynny, mae corff cynyddol o ymchwil sy'n cydnabod bod **AGPC o ansawdd uchel yn gallu gwella datblygiad gwybyddol ac emosiynol-gymdeithasol**, helpu i greu sylfaen ar gyfer dysgu gydol oes; a chynyddu symudedd cymdeithasol rhwng cenedlaethau a chyfleoedd bywyd (OECD, 2012; 2017; Carneiro a Heckman, 2003; Heckman, 2011; Penn, 2011). Mae hyn yn ychwanegu at y syniad bod cyfalaf dynol yn cael ei ffurfio trwy broses cylch

bywyd ddeinamig: mae sgiliau a galluoedd a gaffaelir mewn un cam o'r cylch bywyd yn cael effaith uniongyrchol ar gynhyrchedd addysg yn y cam nesaf (Cunha et al., 2006).

Mae cyfraddau adenillion o fuddsoddi mewn plentyndod cynnar yn sylweddol uwch na chyfraddau adenillion o fuddsoddi yn ddiweddarach mewn bywyd (Carneiro a Heckman, 2003). Mae hyn yn cyd-fynd â thystiolaeth ddiweddar sydd wedi amcangyfrif buddion a chostau ehangu gwasanaethau AGPC yng Nghymru, gan ddangos sut byddai buddion (sy'n deillio o enillion uwch yn ddiweddarach mewn bywyd, a gwariant is gan y llywodraeth ar iechyd a gofal cymdeithasol) yn gwrthbwyso costau i raddau helaeth ac yn cronni ymhlith y teuluoedd mwyaf difreintiedig (Wilson a Paull, 2020).

Mae incwm isel ac amddifadedd materol yn effeithio ar 'fewnbynau' pwysig ar gyfer datblygiad plant: o dai o ansawdd da i fwyd iach, o fuddsoddi mewn deunyddiau a gweithgareddau dysgu i gymryd rhan mewn cyfleoedd cymdeithasol. **Gall AGPC helpu i sicrhau tegwch drwy ddigolledu am anfanteision gartref a chyfryngu'r broses o'u trosglwyddo.** Mae'r polisiâu hyn felly'n effeithio ar sawl agwedd ar dlodi ac allgáu cymdeithasol fel y'u cysyniadolwyd gan Ffatrics Allgáu Cymdeithasol Bryste (B-SEM) (gweler yr Atodiad am fwy o wybodaeth am y B-SEM) – nid yn unig mewn perthynas ag adnoddau materol, ond mewn perthynas â chyfranogiad economaidd presennol rhieni a chyfranogiad cymdeithasol, addysg a chyfranogiad economaidd plant yn y dyfodol, er bod tystiolaeth hefyd o effeithiau tymor hwy ar agweddau ar ansawdd bywyd, er enghraifft mewn perthynas â chyfraddau troseddu is a chanlyniadau iechyd (Carneiro a Heckman, 2003).

Y berthynas â phrofiad pobl o dlodi ac allgáu cymdeithasol

Mae'r llenyddiaeth ar brofiadau a chanfyddiadau teuluoedd mewn perthynas â gwasanaethau AGPC wedi tyfu yn ystod y degawdau diwethaf, gan gynnwys o safbwynt teuluoedd difreintiedig. **Mae'r llenyddiaeth hon wedi canolbwyntio ar yr hyn sy'n sbarduno'r galw am wasanaethau AGPC**, er enghraifft dewisiadau o ran eu math a'u dwyster (Vandenbroeck, 2008; Gamble, 2009); dewisiadau gofal anffurfiol/ffurfiol (Weber et al., 2018); ansawdd canfyddedig (Forry, 2013); a hygyrchedd canfyddedig (Unver, 2018). Mae'r llenyddiaeth hefyd wedi archwilio'r ffactorau sy'n llywio profiadau rhieni yn ogystal â'r galw. Mae'r rhain yn cynnwys gwybodaeth am weithdrefnau gweinyddol; rhestrau aros; arferion gwaharddol ar lawr gwlad; ac ystyriaethau ymarferol ynghylch defnyddioldeb gwasanaethau (e.e. mewn perthynas â hyblygrwydd ac oriau agor). Er enghraifft, efallai na fydd

gwasanaethau'n cael eu hystyried yn hygyrch oherwydd rhwystrau ieithyddol (e.e. ar gyfer teuluoedd mudol), tra bod profiadau o'r gwasanaeth sy'n dangos ei fod yn gefnogol ac yn addas i ofynion rhieni, gwerthoedd diwylliannol a disgwyliadau ynghylch AGPC i gyd yn cyfryngu'r galw.

Mae Vandenbroeck a Lazzari (2014) yn rhybuddio ei bod yn bwysig cysylltu dadansoddiad ar y lefel hon sy'n canolbwyntio ar brofiadau teuluoedd â dadansoddiadau lefel uwch, oherwydd bod hynny'n gallu taflu goleuni ar **y rhwystrau strwythurol sy'n wynebu rhieni ac a allai fod yn llesteirio cyfranogiad**, fel y rhai a amlinellir uchod, yn enwedig ymhlith teuluoedd incwm isel. Mae Tabl 1 yn addasu fframwaith a ddatblygwyd gan Archambault et al. (2020) sy'n amlinellu ffactorau sy'n dylanwadu ar fynediad at AGPC ar gyfer poblogaethau difreintiedig a fyddai'n bwysig i'w hystyried wrth gynllunio neu ddiwygio darpariaeth AGPC.

Tabl 1. Ffactorau cyflenwad a galw o ran AGPC

Ffactor	Cyflenwad	Galw
Hygyrchedd	Ymgyrchoedd gwybodaeth ac ymwybyddiaeth Allgymorth cymunedol Amrywiaeth ieithyddol Technolegau gwybodaeth	Ymwybyddiaeth o fuddion, rhinweddau, costau a gweithdrefnau cofrestru (a hyder ynddynt)
Derbynioldeb	Hyblygrwydd Sensitifrwydd diwylliannol Prosesau gweinyddol	Rhwydweithiau cymdeithasol Perthnasedd diwylliannol
Argaeledd	Agosrwydd Cyflenwad digonol Mynediad teg	Amodau gwaith sefydlog Anghenion wedi'u cynllunio ar gyfer gofal
Fforddiadwyedd	Cyllid cyhoeddus a rheoli/ cymorthdaliadau cyhoeddus Darparu hanfodion am ddim/â chymhorthdal	O fewn cyllideb y teulu
Priodoldeb	Ansawdd	Profiadau cadarnhaol

Ffactor	Cyflenwad	Galw
	Ymatebolrwydd i anghenion	Presenoldeb rheolaidd
	Partneriaeth gymunedol ac integreiddio gwasanaethau	Integreiddio cymunedol

Ffynhonnell: addaswyd gan yr awduron o Archambault et al. (2020).

Tystiolaeth o effeithiolrwydd polisi

Ymyrraeth	Cryfder y dystiolaeth	Effeithiolrwydd
Polisiau sy'n cynyddu cyfranogiad mewn AGPC (gwella fforddiadwyedd ac argaeledd)	Cryf	Cymysg (ffactorau cyfyngol yw cyfranogiad anghyfartal yn y farchnad lafur, rhyngweithio â'r systemau treth a budd-daliadau sy'n cynhyrchu anghymhellion)
Polisiau sy'n gwella ansawdd y ddarpariaeth AGPC (agweddau ar ansawdd sy'n gysylltiedig â strwythurau a phrosesau)	Cryf	Effeithiol

Mae costau gofal plant uchel yn erydu cymhellion gwaith rhieni, yn enwedig ar gyfer teuluoedd incwm isel – mae'r anghymhellion hyn sy'n gysylltiedig â gwaith yn y Deyrnas Unedig ymhlith yr uchaf ar draws gwledydd yr OECD ar gyfer rhieni sengl ac ail enillwyr (OECD, 2020). Felly, mae argaeledd AGPC fforddiadwy yn debygol o wella cymhellion gwaith, ond mae p'un a fydd y gwasanaethau hyn yn cynyddu'r cyflenwad llafur hefyd yn dibynnu ar ffactorau fel: ansawdd canfyddedig y gwasanaethau, normau cymdeithasol (e.e. rolau rhyw traddodiadol cryf neu ddewis ar gyfer gofal anffurfiol), ac effeithiau amnewid rhwng gofal ffurfiol ac anffurfiol (Vuri, 2016).

At hynny, **nid yw p'un a all rhieni 'fforddio gweithio' ai peidio yn dibynnu'n llwyr ar argaeledd gofal plant fforddiadwy**. Dylid ei ystyried mewn gwirionedd ar y cyd â'r system dreth a budd-daliadau: er enghraifft, gall dyluniad y system a'r gyfradd

tynnu budd-daliadau greu anghymhellion gwaith. Yn nodedig, dangoswyd bod Credyd Cynhwysol (CC) yn cynnig cymhellion gwan i weithio, yn enwedig i unig rieni ac ail enillwyr mewn cyplau â phlant (Alakeson et al., 2015; Brewer et al., 2017). Gallai costau gofal plant cyfyngedig hyd yn oed adael teuluoedd â llai o arian na phe bai un rhiant yn aros gartref pan ychwanegir beichiau treth a thynnu budd-daliadau cymdeithasol yn ôl (sy'n lleihau enillion o'r gwaith).

Mae gwariant ar bolisiau teuluol yn gysylltiedig â chyfraddau tlodi plant is ar draws gwledydd yr OECD ac mae eu heffaith yn amrywio yn ôl y math o bolisi: mae'r cysylltiad yn gryfach ar gyfer trosglwyddiadau arian parod (fel budd-daliadau plant), ac yna gofal plant a gwariant o fath arall (llety, teithio a chymorthdaliadau bwyd i deuluoedd) yn y drefn hon (OECD, 2019a; Richardson a Bradshaw, 2012; Richardson, 2015). Nid yw'r dulliau hyn yn cynnwys effeithiau ar gyflogaeth, sy'n debygol o gynyddu effaith polisiau gofal plant ar leihau tlodi. Mae gwahaniaethau yn y mathau o wasanaethau a ddarperir yn bwysig hefyd – er enghraifft, canfu Richardson (2015) fod systemau cyhoeddus yng ngwledydd yr OECD wedi nodi'r gostyngiad mwyaf mewn tlodi yn unol â chynnydd ychwanegol mewn gwariant ar wasanaethau.

Mae costau'n effeithio ar effaith gofal plant ar leihau tlodi: Mae Förster a Verbist (2011) yn amcangyfrif gwerthoedd arian parod gwasanaethau AGPC i gymharu effaith trosglwyddiadau arian parod a pholisiau gofal plant ar leihau cyfraddau tlodi mewn nifer o wledydd yr OECD. Canfuwyd bod effaith gofal plant ar dlodi ar ei gwannaf yn y Deyrnas Unedig, lle mae'r costau i deuluoedd yn uwch, nag yn Ffrainc neu'r Almaen (lle mae effaith gofal plant ar dlodi yn debyg i effaith trosglwyddiadau arian parod) neu Sweden (lle mae gwasanaethau gofal plant yn cael effaith gryfach). Wrth gyfuno arian parod a gwasanaethau gofal plant, gostyngodd cyfraddau tlodi 80% yn Sweden, 73% yn Ffrainc, 60% yn yr Almaen ond dim ond 38% yn y Deyrnas Unedig.

Polisiau sy'n cynyddu cyfranogiad mewn AGPC

Mae nodweddion ar draws y system yn ogystal â ffactorau cyd-destunol yn effeithio ar gyfranogiad mewn AGPC. O ystyried cymhlethdod systemau AGPC, mae'n ddefnyddiol deall y nodweddion a rennir gan systemau sydd wedi llwyddo i hybu cyfranogiad a chau bylchau.

Yn gyntaf, mae gwledydd sydd wedi llwyddo i ddarparu AGPC fforddiadwy o ansawdd uchel ar raddfa eang wedi cyfeirio adnoddau cyhoeddus sylweddol at y sector. Mae data'r OECD (2020) yn dangos bod Gwlad yr Iâ a Sweden yn gwario

1.8% ac 1.6% o'u Cynnyrch Domestig Gros ar AGPC, yn y drefn honno. Mae'r gwledydd hyn wedi llwyddo i gynyddu cyfranogiad mewn AGPC hyd yn oed ar gyfer plant iau na 3 oed, y mae eu cyfraddau cyfranogiad yn isel ar y cyfan ar draws gwledydd. Er bod y gwledydd hyn wedi'u nodweddu gan sector cyhoeddus AGPC mawr, mae gan rai gwledydd sy'n darparu AGPC trwy gymysgedd o wasanaethau cyhoeddus a phreifat gyfraddau cofrestru ar yr un lefel â gwledydd Llychlynnaid ond hefyd yn gweld lefelau uchel o wariant (gweler Astudiaeth Achos 1).

Astudiaeth Achos 1. Cynyddu cyfranogiad mewn AGPC yn Korea

Mae Korea wedi buddsoddi'n sylweddol mewn AGPC (1% o'r Cynnyrch Domestig Gros), sy'n gynydd o ddeg gwaith mewn gwariant cyhoeddus yn ystod yr 20 mlynedd diwethaf, pan gyflwynwyd diwygiadau i gynyddu argaeledd AGPC (OECD, 2019b). Mae gan system Korea gymysgedd o wasanaethau cyhoeddus a phreifat a chyfuniad o wasanaethau gofal dydd mewn canolfannau a gwarchod plant yn y cartref (wedi'u targedu at blant rhwng 3 mis a 3 blwydd oed). Mae dull gwasanaeth 'cofleidiol' yn cynnwys cymorth cyhoeddus ar gyfer gwasanaethau gwarchod plant 'y tu allan i oriau', sy'n arbennig o bwysig i rieni sy'n wynebu oriau gwaith anrhagweladwy a gofynion ad hoc. Rhoddir blaenoriaeth i deuluoedd tlawd, teuluoedd ag oedolion sy'n chwilio am waith a theuluoedd mawr sydd â phlant ifanc. Mae treuliau gofal plant ymhlith yr isaf yng ngwledydd yr OECD (OECD, 2019c), a hynny o ganlyniad i gymorthdaliadau cyhoeddus sy'n cadw ffioedd yn isel, a chymorth ariannol cyffredinol sy'n lleihau costau net ymhellach (Thévenon, 2018).

Mae dadansoddiad gan yr OECD (2020) hefyd yn nodi **y dylai buddsoddiad cyhoeddus gael ei gyfuno â rheoleiddio** er mwyn osgoi cael ei ddal gan ddarparwyr (e.e. lle mae darparwyr yn derbyn cymorthdaliadau cyhoeddus uniongyrchol ond nad ydynt yn lleihau prisiau, neu'n cynyddu ffioedd pan fydd cynnydd mewn ad-daliadau ffioedd gofal plant cyhoeddus, budd-daliadau neu ryddhad treth i rieni). Mae capiau ffioedd ar waith mewn llawer o systemau (a weithredir yn gyhoeddus yn bennaf) a gallant amrywio yn seiliedig ar allu teuluoedd i dalu. Mae systemau seiliedig ar y farchnad yn wynebu mwy o heriau oherwydd gallai safonau prisiau a osodir yn rhy isel achosi i ddarparwyr ostwng yr ansawdd neu adael y farchnad os na fydd y gwasanaeth a ddarperir yn dwyn elw.

Gwahaniaethau o ran mynediad at AGPC

Mae tystiolaeth gref hefyd mai'r plant a allai fod yn fwyaf tebygol o elwa o AGPC yw'r rhai sy'n lleiaf tebygol o fod yn bresennol (OECD, 2016; Campbell, et al., 2018; Petitclerc et al., 2017). Mae hyn yn arbennig o wir am blant iau na thair oed, y mae eu cyfraddau cyfranogiad yn is ar y cyfan (OECD, 2020). Yn wir, mae mynediad at AGPC wedi'i haenu yn seiliedig ar incwm a lefel addysgol rhieni (yn enwedig y fam) yn y rhan fwyaf o wledydd – yn yr OECD, yr unig eithriadau yw Denmarc, Gwlad yr Iâ a Sweden (OECD, 2016). Mae gwahaniaethau o ran cyfranogiad mewn AGPC wedi'u cysylltu'n bennaf â chyflogaeth y fam ac mae plant yn fwy tebygol o fod â mam gyflogedig pan fydd wedi cael addysg hyd at lefel uchel a phan fydd y plentyn yn byw mewn teulu incwm uchel. Mae'r cyfranogiad anghyfartal hwn yn tansellio effaith AGPC ar leihau tlodi a'i rôl mewn perthynas â lefelu cyfleoedd bywyd.

Mae argaeledd yn effeithio ar fylchau cofrestru hefyd, gan fod y rhieni mwyaf breintiedig yn fwy tebygol o gofrestru os bydd prinder diolch i rwydweithiau cymdeithasol ffafriol a gwahaniaethau mewn dwysedd chwilio (Jessen, 2020). Mae argaeledd hefyd yn ffactor pwysig sy'n sbarduno gwahaniaethau o ran mynediad rhwng cyd-destunau gwledig a threfol – er bod rhai enghreifftiau wedi'u nodi o arferion addawol i wella argaeledd mewn ardaloedd gwledig (gweler Astudiaeth Achos 2), mae anfanteision cydberthynol sydd wedi ymwreiddio mewn ardaloedd gwledig yn gwneud y rhaniad trefol/gwledig yn anodd ei bontio (OECD, 2017).

Astudiaeth achos 2: Darpariaeth AGPC wledig yn Lithwania

Mae gwella cyfranogiad mewn AGPC mewn ardaloedd gwledig yn amcan polisi allweddol yn Lithwania (Kvieskienė a Misiūnienė, 2011). Cyflwynwyd canolfannau amlswyddogaethol (daugiafunkcis centras) i ddarparu mynediad at ystod o wasanaethau a ddefnyddir gan deuluoedd a phlant o dan un strwythur rheoli. Mae'r gwasanaethau'n amrywio o ofal iechyd i ofal dydd, addysg cyn-gynradd a chynradd, a chyfleusterau cymunedol. Mae'r canolfannau hyn yn hwyluso mynediad at arbenigwyr sy'n gweithio mewn gwahanol sectorau ac yn gwella'r cydgysylltiad rhwng gwasanaethau. Maen nhw hefyd yn rhoi cyfle i sicrhau mwy o aliniad rhwng addysg cyn-gynradd a chynradd. Cefnogir mynediad at ganolfannau amlswyddogaethol ymhellach gan ymgyrchoedd trafndiaeth gyhoeddus a gwybodaeth penodol, gan gynnwys am werth AGPC. Mae'r rhain yn ffactorau pwysig wrth fynd i'r afael â'r galw isel am wasanaethau AGPC mewn ardaloedd gwledig, lle mae ychydig dros hanner yr awdurdodau lleol, er enghraifft, yn darparu cymorth trafndiaeth yn effeithiol (Bucaite-Vilke, 2021). Mae asesiad gan yr OECD (2017) yn canfod

bod y canolfannau amlswyddogaethol hyn yn cyflawni swyddogaeth bwysig wrth gynyddu cyfranogiad mewn AGPC mewn ardaloedd gwledig, ond mae rhwystrau'n parhau, ac mae gwahaniaethau trefol/gwledig yn fawr o hyd. Er bod y gyfradd gyfranogi mewn AGPC wedi gwella mewn ardaloedd gwledig, gan gyrraedd 40.7% yn 2020 o tua 30% ar ddechrau'r 2010au, mae'n parhau ymhell y tu ôl i'r gyfradd gyfranogi o 90.2% mewn ardaloedd trefol (Bucaite-Vilke, 2021).

Mewn ambell wlad, gan gynnwys y Deyrnas Unedig, mae incwm yr aelwyd ei hun yn chwarae rhan bwysig hyd yn oed ar ôl rheoli statws cyflogaeth y fam (OECD, 2016). Nodweddir y gwledydd hyn gan sector preifat mawr a llai o reolaeth gyhoeddus dros ffioedd a phryd a ble y darperir gwasanaethau – sy'n cynyddu'r tebygolrwydd na fydd ardaloedd llai proffidiol yn cael eu gwasanaethu'n ddigonol. Mae costau gofal plant yn uchel yn y gwledydd hyn hefyd.

Mae rhai astudiaethau cymharol ar draws gwledydd wedi archwilio pa bolisïau AGPC sy'n fwy tebygol o leihau bylchau mewn cyfranogiad (Gambaro et al., 2014; Petitclerc et al., 2017; Van Lancker a Ghysels, 2016). **Mae tystiolaeth bod gwasanaethau AGPC cyffredinol (yn hytrach na rhai wedi'u targedu) a gwasanaethau AGPC am ddim yn fwyaf tebygol o feithrin cyfranogiad teuluoedd difreintiedig** (Stewart et al., 2014; Petitclerc et al., 2017). Fodd bynnag, er bod y polisïau hyn yn lliniaru cyfranogiad gwahaniaethol, **mae rhai bylchau yn parhau** (Petitclerc et al., 2017; Sibley et al., 2015). Gallai'r rhain fod o ganlyniad i'r ffaith bod rhwystrau eraill (e.e. teuluoedd incwm isel sy'n cael trafferth dod o hyd i gyflogaeth ddeniadol/o ansawdd da) yn effeithio ar alw'r teuluoedd hyn am AGPC hyd yn oed pan fydd darpariaeth fforddiadwy ar gael. Hyd yn oed pan fydd galw gan rieni, mae rhywfaint o dystiolaeth y gallai bylchau barhau ar gyfer grwpiau penodol – dangosodd Jessen (2020) hyn mewn perthynas â theuluoedd mudol yn yr Almaen.

Yn gyffredinol, mae'r dystiolaeth yn tanlinellu'r ffaith bod adnoddau cyhoeddus sy'n cael eu gwario ar **bolisïau buddsoddi cymdeithasol, fel polisïau gofal plant neu absenoldeb rhiant, o fudd yn y lle cyntaf i'r rhai sydd eisoes yn cymryd rhan yn y farchnad lafur ac felly'n tueddu i lifo i deuluoedd incwm uwch.** Petai cyfranogiad ymhlith teuluoedd tlotach yn gwella, gall y polisïau hyn arwain at ganlyniadau tymor hwy i deuluoedd tlawd – fel sy'n ymddangos yn wir mewn gwledydd Llychlynnaidd (Vandenbroucke a Vleminckx, 2011). Serch hynny, **dylid ystyried bod buddsoddi mewn gwasanaethau blynyddoedd cynnar yn ategu strategaethau amddiffyn cymdeithasol digonol a deinameg y farchnad lafur.** Er enghraifft, mae gwella cyfleoedd gwaith i fenywod â sgiliau isel yn hanfodol er mwyn i'r polisïau hyn gyflawni eu rôl buddsoddi cymdeithasol yn ddigonol (Vandenbroucke a Vleminckx, 2011).

Ar yr un pryd, mae toriadau i nawdd cymdeithasol yn y Deyrnas Unedig (e.e. drwy rewi budd-daliadau, cap budd-daliadau a therfyn dau blentyn) wedi effeithio'n anghymesur ar deuluoedd sydd â phlant (Kelly, 2018; Bradshaw, 2018; CPAG, 2020). Mae teuluoedd mwy o faint yn arbennig wedi gweld cynnydd sydyn mewn cyfraddau tlodi a dyfnder tlodi, ac mae tystiolaeth bod teuluoedd wedi ymateb trwy wario llai ar hanfodion (CPAG, 2020; Carter, 2022a, 2022b). Mae'r toriadau hyn wedi bod yn atchweliadol yn ofodol hefyd, gyda'r toriadau mwyaf mewn grantiau llywodraeth ganolog yn effeithio fwyaf ar ardaloedd awdurdodau lleol sydd â'r lefelau uchaf o dlodi plant (Bradshaw, 2018). Mae hyn yn peri pryder arbennig, o ystyried y dystiolaeth bod incwm ei hun yn effeithio ar ganlyniadau plant, gyda maint yr effaith yn debyg i hwnnw a nodwyd ar gyfer gwariant ar raglenni neu addysg plentyndod cynnar (Cooper a Stewart, 2013; 2017). O'r safbwynt hwn, **gall gostyngiadau mewn incwm aelwydydd a chynnydd mewn tlodi incwm danseilio ymdrechion i hyrwyddo cyfleoedd plant a chyfleoedd bywyd drwy AGPC a gwasanaethau blynyddoedd cynnar**. Mae'r diffyg cydlynid cyffredinol hwn yn llesteirio effaith aiddosbarthol y polisiau hyn.

Polisiau sy'n gwella ansawdd y ddarpariaeth AGPC

Mae'r llenyddiaeth yn dangos yn gryf bod ansawdd AGPC yn hanfodol ar gyfer canlyniadau datblygiadol cadarnhaol (Sylva, 2012; EC, 2014; OECD, 2019c). Os yw AGPC o ansawdd isel, nid yw'r effeithiau disgwylidig yn cael eu gwireddu, a gallai rhywfaint o ddarpariaeth fod yn niweidiol i ragolygon plant hyd yn oed. Mae AGPC yn gwneud y gwahaniaeth mwyaf i blant o gefndiroedd ariannol difreintiedig (Ruhm a Waldfogel, 2012; Waldfogel, 2004). Er bod tystiolaeth gadarn wedi bod ers tro o effeithiolrwydd AGPC trwy dreialon wedi'u targedu ar raddfa fach (e.e. prosiect Ysgol Perry yn yr Unol Daleithiau, gweler Astudiaeth Achos 3), daw amrywiad sylweddol mewn effeithiolrwydd i'r amlwg wrth gynyddu'r raddfa, sy'n golygu ei bod yn bwysig deall nodweddion diffiniol rhaglenni o ansawdd uchel (Weiland et al., 2018; Morris et al., 2018; Yoshikawa et al., 2016).

Astudiaeth Achos 3: Prosiect Ysgol Perry yn yr Unol Daleithiau

Mae nifer o astudiaethau hydredol o raglenni AGPC sy'n targedu plant difreintiedig yn yr Unol Daleithiau (fel yr Abecedarian Program yn y 1970au neu Brosiect Ysgol Perry yn y 1960au) wedi sefydlu effeithiau buddiol hirdymor AGPC. Roedd Prosiect Ysgol Perry, er enghraifft, yn canolbwyntio ar blant Affricanaidd-Americanidd difreintiedig rhwng 3 a 4 oed. Darparodd y rhaglen gwricwlwm wedi'i seilio ar gefnogi datblygiad gwybyddol ac emosiynol-gymdeithasol plant trwy ddysgu gweithredol. Er bod nifer y cyfranogwyr yn fach (123), drwy eu dilyn tan iddynt gyrraedd 40 oed, canfu Prosiect Ysgol Perry ganlyniadau cadarnhaol arwyddocaol o ran cyrhaeddiad addysgol a chyfraddau presenoldeb mewn prifysgolion, canlyniadau cyflogaeth a chyfraddau trosedd. Roedd dyluniad yr astudiaeth hefyd yn caniatáu ar gyfer amcangyfrif cyfradd adenillion sylweddol y prosiect: \$16.14 fesul doler a fuddsoddwyd erbyn i'r boblogaeth sampl gyrraedd 40 oed (Schweinhart et al., 2005; Heckman, 2010).

Dangosir bod amrywiaeth o ffactorau'n gwella ansawdd ac effeithiolrwydd AGPC o ran amrywiaeth o ganlyniadau (UNESCO, 2007; OECD, 2019d, Slot, 2018, Ulferts et al 2019; EC, 2014). Gellir rhannu'r rhain rhwng nodweddion '**strwythurol**' a '**phroses**' .

Mae nodweddion strwythurol yn cynnwys:

- Cymarebau plant/staff bach.
- Grwpiau bach.
- Dulliau rheoleiddio a monitro cydlynol – gyda thystiolaeth yn cyfeirio at bwysigrwydd ymgorffori'r rhain mewn prosesau cyfranogol ac ymgynghorol gydag ymarferwyr a theuluoedd (EC, 2014).
- Staff a rheolwyr â chymwysterau uchel, h.y. cymwysterau addysgu proffesiynol lefel 5, TAR neu lefel gradd (Sylva et al., 2012; OECD, 2019d).
- Dangosir bod datblygiad proffesiynol parhaus (DPP) a hyfforddiant seiliedig ar ymgysylltu gweithredol, cyfnewid rhwng cymheiriaid a mabwysiadu fframwaith gwyddonol a rennir yn effeithiol nid yn unig mewn gwledydd sydd ag AGPC sefydledig a gofynion uchel ar gyfer cymwysterau ymarferwyr, ond hefyd mewn gwledydd lle mae AGPC yn cael ei chymorthdalun wael ac mae'r gofynion cymwysterau yn isel (Slot, 2018; Peleman et al, 2018).

Mae nodweddion proses yn cynnwys:

- Perthynas gadarnhaol rhwng staff a phlant (e.e. rhyngweithiadau sy'n gefnogol yn emosiynol).
- Perthynas gadarnhaol rhwng staff a rhieni (e.e. hyrwyddo cyfranogiad cryf gan rieni).
- Trefniadaeth ystafell ddosbarth ac arferion addysgeg (e.e. hyrwyddo dysgu gweithredol, fframweithiau agored i weithredu cwricwlwm sy'n ymateb i anghenion a diddordebau amrywiol plant, ac agwedd gyfannol at ddatblygiad plant).

Mae cysylltiad rhwng ansawdd strwythurau a phrosesau, gyda chymarebau plant/staff, maint grwpiau, cymwysterau a hyfforddiant parhaus staff sy'n gysylltiedig ag ansawdd prosesau uwch ar draws gwledydd yr OECD (Slot, 2018). Mae canfyddiadau sy'n cysylltu nodweddion AGPC ag effeithiau negyddol wedi dod i'r amlwg hefyd, er enghraifft:

- Mae cyflog isel, amodau gwaith gwael, llwybrau gyrfa cyfyngedig a chydabyddiaeth gymdeithasol isel yn effeithio ar ansawdd AGPC ac yn arwain at broblemau o ran recriwtio a chadw gweithwyr cymwysedig (Mitter a Putcha, 2018; OECD, 2019d).
- Dangosir bod asesiad ffurfiol o ganlyniadau plant i ddiffinio pa mor barod ydynt ar gyfer yr ysgol yn cael effaith negyddol ar ddatblygiad gwybyddol ac emosiynol (EC, 2014).

Yn olaf, dylid nodi bod y llenyddiaeth yn pwysleisio bod datblygiad plant a dileu rhwystrau rhag cyflogaeth yn nodau polisi ar wahân. Mae blaenoriaethau polisi sy'n mynd i'r afael ag AGPC yn bennaf fel ffordd o ddileu cyfyngiadau'r cyflenwad llafur a chynyddu cyflogaeth **yn peryglu troi'r fantol tuag at argaeledd a fforddiadwyedd darpariaeth AGPC, yn aml ar draul ansawdd** (Lewis a West, 2016). Er enghraifft, ystyriwyd bod llacio rheoliadau yn fodd o sicrhau marchnad gofal plant fwy effeithlon – a bernir mai dyma'r ffordd orau o sicrhau bod mwy o ddarpariaeth ar gael a bod y ffioedd a delir gan rieni yn lleihau. Yn yr ystyr hon, mae rheoliadau a gynlluniwyd i sicrhau ansawdd wedi cael eu hystyried fwyfwy fel rhwystr rhag argaeledd a fforddiadwyedd, yn hytrach na modd o sicrhau canlyniadau gwell i blant. Mae angen asesu'r cyfaddawdau posibl hyn wrth gynllunio polisiâu AGPC, gan fod tanseilio ansawdd yn effeithio'n sylweddol ar y potensial i AGPC gael effaith gadarnhaol ar ddatblygiad plant a chanlyniadau diweddarach.

Heriau a ffactorau hwyluso

Ceir crynodeb o'r heriau a'r ffactorau hwyluso sy'n ymwneud ag AGPC a'i heffeithiolrwydd wrth fynd i'r afael â thlodi ac allgáu cymdeithasol yn Nhabl 2.

Tabl 2: Heriau a ffactorau hwyluso

Heriau	Ffactorau Hwyluso
<ul style="list-style-type: none"> Mae angen buddsoddiad sylweddol i sicrhau bod AGPC fforddiadwy o ansawdd uchel ar gael, yn enwedig ar gyfer gwasanaethau cyffredinol y dangoswyd eu bod yn fwyaf addawol o ran hybu cyfranogiad. Gall rhwystrau rhag ymuno â'r farchnad lafur ac anghymhellion gwaith sy'n gysylltiedig â'r system nawdd cymdeithasol arwain at anghydraddoldebau o ran cyfranogiad mewn AGPC sy'n parhau hyd yn oed pan fydd AGPC ar gael ac yn fforddiadwy. 	<ul style="list-style-type: none"> Gall gwell llwybrau gyrfu yn y sector hwn sy'n gysylltiedig â chydabyddiaeth ariannol ac anariannol helpu i ddatblygu adnoddau dynol. Mae cydgysylltu ac integreiddio, yn llosweddol (ar draws meysydd gwasanaeth fel iechyd, addysg a lles cymdeithasol) ac yn fertigol (ar draws lefelau llywodraeth), yn gwneud darparu gwasanaethau'n fwy effeithiol, symleiddio strwythurau llywodraethu, cynyddu effeithlonrwydd a gwella ansawdd a chanlyniadau. Serch hynny, mae integreiddio'n anodd ei gyflawni ac

- Mae effeithiau cadarnhaol yn gofyn am ymrwymiad hirdymor (y tu hwnt i gylchoedd seneddol unigol).
 - Gall dull integredig, cyfannol a'r cydgysylltu sy'n ofynnol ar lefelau canolog a lleol gyflwyno heriau cynllunio a llywodraethu. Mae systemau hybrid ac wedi'u marchnadeiddio yn wynebu heriau cydgysylltu penodol sy'n gofyn am ddatblygu a gweithredu fframweithiau ansawdd a rheoleiddio unedig.
 - Mae angen ymrwymiad gwleidyddol cryf, gweledigaeth hirdymor a digon o gyllid.
 - Mae ymgysylltiad cyfranogol, cynnwys rhanddeiliaid yn eang a datblygu dulliau sy'n berthnasol i gyd-destun – gan gynnwys arferion recriwtio a hyfforddi sy'n cefnogi cynhwysiant ac amrywiaeth ddiwylliannol – yn helpu i hyrwyddo cefnogaeth gyhoeddus a galw rhieni am AGPC ymhlith grwpiau difreintiedig.
-

Casgliad

Yn gyffredinol, mae'r adolygiad hwn yn tynnu sylw at effaith gadarnhaol bosibl AGPC ar leihau tlodi ac allgáu cymdeithasol drwy ddileu cyfyngiadau cyflenwad llafur teuluoedd a hyrwyddo ystod eang o ganlyniadau plant. Er mwyn i AGPC fod yn effeithiol, dylid mynd i'r afael ag ansawdd y ddarpariaeth ac anghydraddoldebau o ran mynediad. Mae tystiolaeth ryngwladol yn dangos bod hyn yn gofyn am fuddsoddiad sylweddol mewn AGPC a rheoleiddio gofalus, tra gwelir bod mesurau fel gwasanaethau cyffredinol (yn hytrach na gwasanaethau wedi'u targedu), lleoedd gwarantiedig a chymorthdaliadau hael, yn fwyaf effeithiol wrth gau bylchau. O safbwynt lleihau tlodi, mae polisiâu AGPC yn ategu polisiâu nawdd cymdeithasol a chyflogaeth. Ar y naill law, gall argaeledd AGPC fforddiadwy wella cymhellion i weithio, ond gallai rhwystrau barhau, a gallai dyluniad y system nawdd cymdeithasol greu anghymhellion rhag gweithio mewn gwirionedd (e.e. ar gyfer ail enillwyr). Ar y llaw arall, oherwydd dangosir bod incwm yn effeithio'n uniongyrchol ar ganlyniadau plant, gall annigonolrwydd trosglwyddiadau arian parod danseilio ymdrechion i hyrwyddo cyfleoedd plant a'u cyfleoedd bywyd drwy AGPC.

Trosglwyddo i Gymru

Mae ymrwymiad Llywodraeth Cymru i ddull gweithredu sy'n seiliedig ar hawliau yn y blynyddoedd cynnar yn awgrymu y dylai ffocws ar ansawdd AGPC – nid dim ond

argaeledd a fforddiadwyedd – fod yn flaenoriaeth bolisi, gan gynnwys sicrhau rheoleiddio a chyflawni cyson.

Mae tystiolaeth ryngwladol ar arfer gorau i wella tegwch o ran AGPC yn cyd-fynd ag argymhellion Sefydliad Bevan (2020) i Lywodraeth Cymru gyflwyno cynnig gofal plant newydd, ni waeth beth fo statws gwaith rhieni, a fyddai'n darparu gofal plant rhan-amser cyffredinol, am ddim, gydag oriau ychwanegol ar gael ar raddfa ffioedd sy'n llithro.

Gall diwygiadau i'r system nawdd cymdeithasol sydd y tu hwnt i bwerau Llywodraeth Cymru danseilio effeithiolrwydd polisiâu'r blynyddoedd cynnar mewn perthynas â lleihau tlodi a chynyddu cyflogaeth.

Camau gweithredu addawol

Daw'r adran hon i ben gyda **chamau gweithredu addawol** i'w hystyried yng nghydestun Cymru fel rhai sy'n deillio o'r dadansoddiad o'r llenyddiaeth ryngwladol:

1. Gan fod y rhai sy'n well eu byd yn defnyddio ac yn elwa o wasanaethau AGPC yn anghymesur – gan gyfyngu ar effaith AGPC ar dlodi ac allgáu cymdeithasol – dylai blaenoriaethau ganolbwyntio ar:
 - Ddiwygio'r cynnig presennol o 30 awr yr wythnos yng ngoleuni elfennau a nodwyd yn y dystiolaeth ryngwladol sy'n fwy tebygol o gynyddu cyfranogiad mewn AGPC ymhlith teuluoedd difreintiedig, gan ystyried ehangu a chynnwys **lleoedd gwarantedig, cymorth i rieni sy'n gweithio a rhieni nad ydynt yn gweithio, a ffioedd wedi'u graddio yn ôl incwm a nifer y plant.**
 - Dylid asesu **effaith ddosbarthiadol diwygiadau diweddar**, ac amlygu difuddiant posibl.
 - Mae ansawdd y ddarpariaeth a'r hawl estynedig yn rhoi pwysau ar ddarparwyr, sy'n dibynnu ar oriau a ffioedd ychwanegol gan blant iau i dalu costau. Gall hyn waethygu gwahaniaethau o ran mynediad. Gellid ystyried **ehangu allgymorth y cynllun Dechrau'n Deg ymhellach neu ddiwygio ei ffocws daearyddol.**
2. Mae Llywodraeth Cymru wedi cymryd camau pwysig i greu dull cyfannol o fynd i'r afael ag AGPC, gan gydnabod pwysigrwydd integreiddio addysg a gofal yn well, a fframwaith ansawdd unedig. Mae cynlluniau i gynyddu sgiliau a safonau ar draws y gweithlu AGPC yn mynd rhagddynt. Gellir cefnogi'r ymdrechion hyn drwy:

- **Safonau cymwysterau unedig** a llwybrau i gydnabod profiad gwaith a chymwyseddau a gaffaelwyd yn flaenorol.
- **Trin y sector a gynhelir ac nas cynhelir mewn ffordd unedig.**
- **Cysylltu cynnydd mewn safonau â statws uwch** – o ran cyflog, amodau gwaith a chydabyddiaeth broffesiynol.
- **Gan gynnwys llwybrau wedi'u haddasu ar gyfer cynorthwyr** sy'n cynrychioli cyfran fawr o'r gweithlu ond sydd â llai o bosibiliadau ar gyfer ennill cymwysterau a chamu ymlaen nag ymarferwyr craidd.
- **Casglu a dadansoddi data am y gweithlu** (e.e. cefndir economaidd-gymdeithasol), gan gynnwys cynorthwyr, i hwyluso'r broses o amlygu rhwystrau rhag datblygiad proffesiynol a darparu sail ar gyfer dyfeisio atebion.

Cyfeirnodau

Alakeson, V., Finch, D., a Brewer, M. (2015). **Credit where it's due? Assessing the benefits and risks of Universal Credit, Resolution Foundation Interim Report.** Sefydliad Resolution: Llundain.

Archambault, J., Côté, D., a Raynault, M.F. (2020). **Early Childhood Education and Care Access for Children from Disadvantaged Backgrounds: Using a Framework to Guide Intervention.** Early Childhood Education Journal, 48, 345–352.

Sefydliad Bevan. (2020). **Transforming Wales: how Welsh Public Benefits and Services can reduce poverty and inequality.** Merthyr Tudful: Sefydliad Bevan.

Bradshaw, J. (2018). **Austerity and child outcomes: Written evidence for the visit by the UN special Rapporteur on extreme poverty in the UK.** Wedi'i adfer o: [https://pure.york.ac.uk/portal/en/publications/austerity-a-ghanlyniadau-plant\(9ac6686a-c57a-4c06-9929-a7b332f538f7\)/export.html](https://pure.york.ac.uk/portal/en/publications/austerity-a-ghanlyniadau-plant(9ac6686a-c57a-4c06-9929-a7b332f538f7)/export.html)

Bucaite-Vilke J. (2021). **Family Choices on Welfare and Territorial Disadvantages: The Perception of the Child Care Services Approach in Urban and Rural Areas.** SAGE Open.

Campbell, T., Gambaro, L., a Stewart, K. (2018). **Universal Early Education: Who Benefits? Patterns in Take-up of the Entitlement to Free Early Education among Three-Year-Olds in England.** British Educational Research Journal, 44(3), 515-538.

Carter, I. (2022a). **Tlodi ac allgáu cymdeithasol yng Nghymru.** Caerdydd: Canolfan Polisi Cyhoeddus Cymru.

Carter, I. (2022b). **Tlodi ac allgáu cymdeithasol yng Nghymru: Adolygiad o dystiolaeth profiad bywyd.** Caerdydd: Canolfan Polisi Cyhoeddus Cymru.

Grŵp Gweithredu ar Dlodi Plant. (2021). **“It feels as though my third child doesn't matter”:** The impact of the two-child limit after four years. Wedi'i adfer o: <https://cpag.org.uk/policy-ac-yngyrchoedd/adroddiad/it-feels-though-my-third-child-t-matter>

Comisiynydd Plant Cymru. (2017). **Y Ffordd lawn. Dull gweithredu seiliedig ar Hawliau Plant yng Nghymru.** Wedi'i adfer o:

https://www.childcomwales.org.uk/wp-content/uploads/2017/04/FINAL_formattedCVRep_CYM.pdf

Cooper, K., a Stewart, K. (2013). **Does money affect children's outcomes? A systematic review.** Efrog: Sefydliad Joseph Rowntree.

Cooper, K., a Stewart, K. (2017). **Does Money Affect Children's Outcomes? An update.** Papur CASE (203), y Ganolfan Dadansoddi Allgáu Cymdeithasol, Llundain: Ysgol Economeg Llundain (LSE).

Y Comisiwn Ewropeaidd. (2014). **Proposal for key principles of a Quality Framework for Early Childhood Education and Care.** Y Gyfarwyddiaeth Gyffredinol dros Addysg a Diwylliant: Brwsel.

Forry, N. D., Simkin, S., Wheeler, E. J., a Bock, A. (2013). **'You know how it makes you feel': Low-income parents' childcare priorities and definitions of ideal high-quality childcare.** Journal of Children and Poverty, 19(2), 107–126.

Förster, M., a Verbist, G. (2011). **Money or Kindergarten - What Works Better? A Comparative Analysis of the Distributive Effects of Family Cash Transfers versus Services.** Papurau Gwaith Cymdeithasol, Cyflogaeth ac Ymfudo'r OECD. Paris: OECD Publishing.

Gambaro, L., Stewart, K., a Waldfogel, J. (2014). **An equal start? Providing high quality early childhood education and care for disadvantaged children.** Astudiaethau CASE ar Dlodi, Lle a Pholisi. Policy Press, Bryste, y Deyrnas Unedig

Gamble, W.C., Ewing, A. R., a Wilhlem, M. S. (2009). **Parental perceptions of characteristics of non-parental child care: Belief dimensions, family and child correlates.** Journal of Child and Family Studies, 18(1), 70–82.

Heckman, J.J., Moon, S.H., Pinto, R., Savelyev, P.A., a Yavitz, A. (2010). **The Rate of Return to the High/Scope Perry Preschool Program.** Journal of public economics, 94(1-2), 114–128.

Howick, J., Chalmers, I., Glasziou, P., Greenhalgh, T., Heneghan, C., Liberati, A., Moschetti, I., Phillips, B., a Thornton, H. (2011). **The 2011 Oxford CEBM Levels of Evidence (Introductory Document).** Canolfan Rydychen ar gyfer Meddygaeth seiliedig ar Dystiolaeth. Wedi'i adfer o:

<https://www.cebm.ox.ac.uk/resources/levels-of-evidence/ocebmllevels-of-evidence>

Sefydliad Joseph Rowntree. (2020). **Tlodi yng Nghymru 2020**. Efrog: Sefydliad Joseph Rowntree.

Jessen, J., Schmitz, S., a Sevrin, W. (2020). **Understanding day care enrolment gaps**. Journal of Public Economics, Elsevier, 190.

Kelly, E., Lee, T., Sibieta, L., a Waters. T. (2018). **Public Spending on Children in England: 2000 to 2020, Children's Commissioner Report**. Y Sefydliad Astudiaethau Cyllid. Wedi'i adfer o: <https://www.childrenscommissioner.gov.uk/publication/public-spending-on-children/>

Kenway, P., Ayrton, C., Chandran, C. a Tortajada, I. (2022). **What makes an anti-poverty strategy effective?** Llundain: Sefydliad Polisi Newydd.

Kvieskienė, G., a Misiūnienė, G. (2011). **Basis for organising education services to pre-school children in universal multifunctional centres**. Socialinis ugdymas, 26, 90-104.

Levitas, R., Pantazis, C., Fahmy, E., Gordon, D., Lloyd-Reichling, E., a Patsios, D. (2007). **The multi-dimensional analysis of social exclusion**. Bryste: Prifysgol Bryste.

OECD. (2016). **Who uses childcare? Background brief on inequalities in the use of formal early childhood education and care (ECEC) among very young children**. Paris: OECD Publishing.

OECD. (2017). **Education in Lithuania**. Adolygiadau o Bolisïau Cenedlaethol ar gyfer Addysg. Paris: OECD Publishing.

OECD. (2019a). **CO2.2: Child poverty, OECD Family Database**. Wedi'i adfer o: https://www.oecd.org/els/soc/CO_2_2_Child_Poverty.pdf

OECD. (2019b). **Rejuvenating Korea: Policies for a Changing Society**. Paris: OECD Publishing.

OECD. (2019c). **Providing Quality Early Childhood Education and Care: Results from the Starting Strong Survey 2018**. TALIS, Paris: OECD Publishing.

OECD. (2019d). **Good Practice for Good Jobs in Early Childhood Education and Care**. Paris: OECD Publishing.

OECD. (2020). **Is Childcare affordable?** Briff Polisi ar Gyflogaeth, Llafur a Materion Cymdeithasol. Paris: OECD Publishing.

Pascal, C., Bertram, T., a Peckham, K. (2019). **Systemau blynyddoedd cynnar integredig. Adolygiad o dystiolaeth ryngwladol.** Caerdydd: Canolfan Polisi Cyhoeddus Cymru.

Peleman, B., Lazzari, A., Budginaitė, I., Siarova, H., Huari, H., Peeters, J., a Cameron, C. (2018). **Continuous professional development and ECEC quality: Findings from a European systematic literature review.** European Journal of Education, 53, 9–22.

Petitclerc, A., Côté, S., Doyle, O., Burchinal, M., Herba, C., Zachrisson, H.D., Boivin, M., Tremblay, R.E., Tiemeier, H., Jaddoe, V., a Raat, H. (2017). **Who uses early childhood education and care services? Comparing socioeconomic selection across five western policy contexts.** International Journal of Child Care and Education Policy, 11(3).

Richardson, D. (2015). **Child Poverty and Family Policies in the OECD.**

Wedi'i adfer o:

<http://socialsecurity.gov.be/docs/nl/publicaties/btsz/2015/btsz-1-2015-richardson-nl.pdf>

Richardson, D., a Bradshaw, J. (2012). **Family-Oriented Anti-Poverty Policies in Developed Countries**, yn Is-adran Polisi a Datblygiad Cymdeithasol yr Adran Materion Economaidd a Chymdeithasol. Y Cenhedloedd Unedig: Efrog Newydd, 55-9

Schweinhart, L.J. Montie, J., Xiang, J., Barnett, W.S., Belfield, C.R., a Nores, M. (2005). **Lifetime Effects: The High/Scope Perry Preschool Study Through Age 40.** Ypsilanti, MI: High/Scope Press

Sherman, L. W., Gottfredson, D., Mackenzie, D., Eck, J., Reuter, P., a Bushway, S. (1997). **Preventing Crime: What Works, What Doesn't, What's Promising.** Adroddiad i Gyngres yr Unol Daleithiau. Washington, D.C. Adran Gyfiawnder yr Unol Daleithiau.

Sibley, E., Dearing, E., Toppelberg, C.O., Mykletun, A., a Zachrisson, H.D., (2015). **Do increased availability and reduced cost of early childhood care and education narrow social inequality gaps in utilization?** Evidence from Norway. International Journal of Child Care and Education Policy, 9(1).

Thévenon, O. (2018). **Tackling child poverty in Korea**. Papurau Gwaith Cymdeithasol, Cyflogaeth ac Ymfudo'r OECD Rhif 219. Paris: OECD Publishing.

Ulferts H., Wolf K.M., Anders. Y. (2019). **Impact of Process Quality in Early Childhood Education and Care on Academic Outcomes: Longitudinal Meta-Analysis**. *Child Development*, 90(5), 1474-1489.

Ünver, Ö., Bircan, T., a Nicaise, I. (2018). **Perceived accessibility of childcare in Europe: a cross-country multilevel study**. *International Journal of Child Care and Education Policy*, 12(5).

Vandenbroeck, M., De Visscher, S., Van Nuffel, K., a Ferla, J. (2008). **Mothers' search for infant child care: The dynamic relationship between availability and desirability in a continental European welfare state**. *Early Childhood Research Quarterly*, 23(2), 245–258.

Vandenbroeck, M., a Lazzari, A. (2014). **Accessibility of early childhood education and care: A state of affairs**. *European Early Childhood Education Research Journal*, 22(3), 327–335.

Vandenbroucke, F., a Vleminckx, K. (2011). **Disappointing poverty trends: is the social investment state to blame?** *Journal of European Social Policy*, 21(5), 450–471.

Van Lancker, W., a Ghysels, J. (2016). **Explaining patterns of inequality in childcare service use across 31 developed economies: A welfare state perspective**. *International Journal of Comparative Sociology*, 57(5), 310-337.

Vuri, D. (2016). **Do childcare policies increase maternal employment?** *IZA World of Labor*, 241.

Weber, R., Grobem, D., a Scott, E.K. (2018). **Predictors of low-income parent child care selections**. *Children and Youth Services Review*, 88, 528-540.

Llywodraeth Cymru. (2015). **Strategaeth Tlodi Plant Cymru**. Caerdydd: Llywodraeth Cymru.

Llywodraeth Cymru. (2017). **Ffyniant i bawb: Y strategaeth genedlaethol**. Caerdydd: Llywodraeth Cymru.

Llywodraeth Cymru (2021). **Canran yr holl unigolion, plant, oedolion o oedran gweithio a phensiynwyr sy'n byw mewn tlodi incwm cymharol ar gyfer y DU, gwledydd y DU a rhanbarthau Lloegr rhwng 1994-95 i 1996-97 a 2017-18 i 2019-**

20 (cyfartaleddau 3 blynedd o flynyddoedd ariannol). StatsCymru. Ar gael yn: <https://statswales.gov.wales/Catalogue/Community-Safety-and-Social-Inclusion/Poverty/householdbelowaverageincome-by-year>

Wilson, C., a Paull, G. (2020). **Expanding childcare in Wales could loosen poverty's grip on families.** Sefydliad Joseph Rowntree: Efrog.

Atodiad: Methodoleg

Diffiniad o dlodi ac allgáu cymdeithasol

At ddibenion y prosiect hwn, cytunwyd y byddai cysyniad aml-ddimensiwn o anfantais, gan gynnwys dimensiynau cymdeithasol yn ogystal ag economaidd, yn cael ei fabwysiadu. Mae Matrics Allgáu Cymdeithasol Bryste (B-SEM) (Levitas et al., 2007) yn darparu'r strwythur damcaniaethol sy'n sail i ddethol meysydd polisi. Mae'r B-SEM yn defnyddio'r diffiniad ymarferol canlynol o allgáu cymdeithasol:

“Proses gymhleth ac aml-ddimensiwn yw allgáu cymdeithasol. Mae'n cynnwys diffyg neu wrthod adnoddau, hawliau, nwyddau a gwasanaethau, a'r anallu i gymryd rhan yn y berthynas a'r gweithgareddau arferol, sydd ar gael i'r rhan fwyaf o bobl mewn cymdeithas, boed hynny mewn meysydd economaidd, cymdeithasol, diwylliannol neu wleidyddol. Mae'n effeithio ar ansawdd bywyd unigolion a thegwch a chydlyniant cymdeithas gyfan.”(Levitas et al., 2007, tud.9).

Mae wedi'i strwythuro o amgylch tri phrif faes a deg is-faes (gweler Tabl A1).

Tabl A1: Meysydd ac is-feysydd B-SEM

A. Adnoddau:	
A1: Adnoddau materol/economaidd	Mae hyn yn cynnwys allgáu mewn perthynas ag incwm, hanfodion sylfaenol (fel bwyd), asedau, dyled ac allgáu ariannol.
A2: Mynediad at wasanaethau cyhoeddus a phreifat	Mae hyn yn ymwneud ag allgáu o wasanaethau cyhoeddus a phreifat oherwydd bod gwasanaethau'n annigonol, yn anfforddiadwy neu nad ydynt ar gael. Mae'r ystod o wasanaethau yn cwmpasu gwasanaethau cyhoeddus, cyfleustodau, trafndiaeth a gwasanaethau preifat (gan gynnwys gwasanaethau ariannol).
A3: Adnoddau cymdeithasol	Mae hyn yn adlewyrchu ymwybyddiaeth gynyddol o bwysigrwydd rhwydweithiau cymdeithasol a chymorth cymdeithasol ar gyfer lles unigolion. Mae agwedd

allweddol yn ymwneud â phobl sydd wedi'u gwahanu
oddi wrth eu teulu a'r rhai sydd wedi'u sefydliadoli.

B. Cyfranogiad:

B1: Cyfranogiad economaidd	Mae hyn yn cynnwys cymryd rhan mewn cyflogaeth – sydd nid yn unig yn bwysig ar gyfer cynhyrchu adnoddau ond sydd hefyd yn agwedd ar gynhwysiant cymdeithasol ynddo'i hun. Mae p'un a yw gwaith yn brofiad cadarnhaol, cynhwysol yn dibynnu'n rhannol ar y gwobrau ariannol a ddaw yn ei sgil, ac yn rhannol ar natur ac ansawdd y gwaith. Deëllir gwaith yn fras ac mae'n cynnwys gweithgareddau gofalu a gwaith di-dâl.
B2: Cyfranogiad cymdeithasol	Mae hyn yn cynnwys cymryd rhan mewn gweithgareddau cymdeithasol cyffredin yn ogystal â chydabod pwysigrwydd cyflawni rolau ystyrlon (e.e. fel rhieni, neiniau a theidiau, plant).
B3: Diwylliant, addysg a sgiliau	Mae hyn yn cwmpasu cyfalaf diwylliannol a chyfranogiad diwylliannol. Mae'n cynnwys caffael cymwysterau ffurfiol, sgiliau a mynediad at wybodaeth yn ehangach, er enghraifft cynhwysiant llythrennedd digidol. Mae hefyd yn cynnwys gweithgareddau diwylliannol a hamdden.
B4: Cyfranogiad gwleidyddol a dinesig	Mae hyn yn cynnwys cymryd rhan mewn prosesau gwleidyddol ffurfiol yn ogystal â mathau o weithgarwch gwleidyddol distrwythur ac anffurfiol, gan gynnwys ymgysylltu dinesig a chyfranogiad cymunedol.

C. Ansawdd bywyd:

C1: Iechyd a lles	Mae hyn yn ymdrin ag agweddau ar iechyd. Mae hefyd yn cynnwys agweddau eraill sy'n ganolog i les unigolion megis boddhad bywyd, datblygiad personol, hunan-barch, a bod yn agored i stigma.
C2: Amgylchedd byw	Mae hyn yn canolbwyntio ar nodweddion yr amgylchedd byw 'dan do', gyda dangosyddion ansawdd tai, tai annigonol ac allgáu ar ffurf digartrefedd; a'r amgylchedd byw 'awyr agored', sy'n cynnwys nodweddion cymdogaeth.
C3: Troseddu, niwed a throeddoleiddio	Mae hyn yn cynnwys amlygiad i niwed, diogelwch gwrthrychol/goddrychol a throedddu a throeddoleiddio. Mae'n adlewyrchu natur waharddol bosibl bod yn destun

niwed, yn ogystal ag allgáu, stigmatiddio a throseddoleiddio'r cyflawnwyr.

Nodiadau: y disgrifiadau o'r is-feysydd yw dealltwriaeth yr awduron o'r hyn y mae pob is-faes yn ei gynnwys yn seiliedig ar Levitas et al. (2007).


Dewis meysydd polisi

I ddechrau, nododd y tîm ymchwil restr hir o 40 o feysydd polisi gan gyfeirio at feysydd ac is-feysydd y B-SEM. Llywiwyd y rhestr hir, yn rhannol, gan adolygiad o dueddiadau allweddol mewn tlodi ac allgáu cymdeithasol yng Nghymru, ar draws y deg is-faes, a gynhaliwyd gan WCPP (Carter, 2022a); ystyried pwerau datganoledig Llywodraeth Cymru ar draws meysydd polisi; a chyfarfodydd ag arbenigwyr. O'r rhestr hir hon, cytunwyd ar restr fer o 12 maes polisi. Wrth lunio'r rhestr fer, ystyriwyd cyngor ar feysydd blaenoriaeth a nodwyd gan grŵp ffocws o arbenigwyr, ond yn y pen draw dewiswyd y rhestr derfynol o 12 polisi gan Lywodraeth Cymru.

Mae'r set derfynol o 12 maes polisi yn cwmpasu sbectwm eang o fewn y B-SEM, ac mae'r rhan fwyaf yn gysylltiedig â mwy nag un is-faes o fewn y B-SEM (Ffigur A1). Fodd bynnag, ni ddylid ystyried bod y detholiad terfynol yn gynhwysfawr o safbwynt polisi tlodi ac allgáu cymdeithasol. Y rheswm am hyn yw nad yw rhai meysydd polisi pwysig wedi'u datganoli i Lywodraeth Cymru ac, felly, ni chawsant eu cynnwys. Er enghraifft, er bod digonolrwydd nawdd cymdeithasol yn sbardun allweddol i dlodi, nid oes gan Lywodraeth Cymru bwerau ar hyn o bryd i bennu elfennau allweddol o bolisi nawdd cymdeithasol (e.e. cyfraddau a meini prawf cymhwysedd ar gyfer y prif fudd-daliadau mewn gwaith a di-waith). Dyma'r rheswm pam rydym yn canolbwyntio ar un agwedd ar nawdd cymdeithasol, sef y nifer sy'n manteisio ar drosglwyddiadau arian parod, y mae gan Lywodraeth Cymru bŵer i ddylanwadu arni.

Ffactor arall oedd cwmpas a graddfeydd amser y prosiect, a oedd yn cyfyngu'r dewis i 12 maes polisi ac yn golygu bod rhaid eithrio meysydd pwysig eraill (er enghraifft, gofal cymdeithasol, gofal iechyd a throseddu). Er mwyn sicrhau bod modd rheoli'r adolygiadau, roedd hefyd angen nodi ffocws ar gyfer pob un o'r 12 maes polisi. Nododd y tîm ymchwil ffocws ar gyfer pob un o'r adolygiadau ar sail cwmpas cychwynnol byr o'r dystiolaeth ymchwil a thrafod â WCPP, a ymgynghorodd ag arbenigwyr sector a pholisi lle y bo'n berthnasol. Mae hyn yn golygu ei bod yn debygol y bydd polisiâu ychwanegol y gellid eu cynnwys mewn strategaeth tlodi ac allgáu cymdeithasol gan Lywodraeth Cymru o fewn y 12 maes polisi ac yn ogystal â'r 12 maes polisi a adolygwyd.

Ffigur A1. Y meysydd polisi a ddewiswyd wedi'u mapio i is-feysydd B-SEM perthnasol



Ffynhonnell: paratowyd gan yr awduron

Nodiadau: Mae'r ffigur yn amlinellu sut mae'r 12 maes polisi a ddewiswyd yn cysylltu â'r matrices B-SEM: mae llinellau trwm yn dangos y berthynas rhwng pob maes polisi a'r prif is-faes/is-feysydd B-SEM, mae llinellau toredig ysgafn yn nodi is-feysydd B-SEM eilaidd a ddewiswyd y mae'r polisiâu'n gysylltiedig â nhw (mae rhestr lawn o'r 'is-feysydd eilaidd' hyn wedi'i chynnwys yn yr adolygiadau penodol).

Camau adolygu

Yn yr adran 'tystiolaeth o effeithiolrwydd polisi', er nad oedd yn bosibl cynhyrchu adolygiad systematig llawn (er bod tystiolaeth o adolygiadau systematig presennol a dadansoddiadau meta-lefel wedi'u cynnwys pan oeddent ar gael), mabwysiadwyd dull strwythuredig. I ddechrau, roedd hyn yn cynnwys gwerthuso cyflwr y llenyddiaeth berthnasol, gan ganolbwyntio ar b'un a aseswyd effeithiolrwydd drwy ddulliau yr ystyrir yn gyffredinol eu bod yn fwy addas i sefydlu achosoldeb (e.e. ar sail cynlluniau graddio hierarchaidd fel Graddfa Dull Gwyddonol Maryland (Sherman et al., 1997) neu lefelau tystiolaeth Canolfan Rhydychen ar gyfer Meddygaeth seiliedig ar Dystiolaeth (OCEBM) (Howick et al., 2011)), megis hapdreialon rheoledig, meta-ddadansoddiadau o hapdreialon rheoledig ac astudiaethau lled-arbrofol eraill. Er bod hapdreialon rheoledig yn arbennig o effeithiol wrth nodi a yw ymyriad penodol wedi

cael effaith mewn cyd-destun penodol, gallai mathau eraill o dystiolaeth, fel astudiaethau lled-arbrofol ac arsylwadol gyda rheolaethau priodol, fod yn fwy addas, yn dibynnu ar y math o ymyriad, i sefydlu'r ystod o ganlyniadau a gyflawnwyd yn ogystal â rhoi dealltwriaeth o effeithiau dosbarthiadol a chaniatáu ar gyfer dadansoddi is-grwpiau (h.y. 'i bwy' y gweithiodd yr ymyrraeth). Wrth asesu'r dystiolaeth, dewiswyd astudiaethau achos i ymhelaethu ymhellach ar rai o'r canfyddiadau allweddol a ddeilliodd o'r adolygiad ac i nodi enghreifftiau penodol o ymyriadau polisi addawol.

Mewn ambell faes, tynnodd yr adolygiad o lenyddiaeth sylw at ddiffyg gwerthusiadau cadarn – mae'r adolygiadau'n tanlinellu hyn ac yn cyflwyno'r dystiolaeth orau a ganfuwyd ynghyd ag asesiad o gryfder y dystiolaeth. Lle y bo'n bosibl, ystyriwyd gwerthusiad o'r mecanweithiau newid sylfaenol hefyd, gan ganiatáu ar gyfer esbonio nid yn unig a yw ymyriad penodol yn gweithio, ond hefyd pam, gan felly hefyd hwyluso'r gwaith o nodi heriau a ffactorau hwyluso, sy'n hanfodol wrth feddwl nid yn unig am 'beth' y dylid ei wneud ond hefyd 'sut' y gellir ei weithredu orau.

Diolchiadau

Rydym yn ddiolchgar i nifer o arbenigwyr a fynychodd gyfres o grwpiau ffocws yr oedd eu mewnbyn wedi:

- helpu i lywio'r broses o nodi meysydd polisi allweddol;
- gwella ein dealltwriaeth o drosglwyddo polisïau i Gymru; a
- llywio ein hystyriaeth o heriau gweithredu a ffactorau hwyluso.

Hoffem ddiolch hefyd i'r bobl ganlynol am gynnal adolygiad cymheiriaid o'r adolygiadau polisi: Dr Rod Hick, Prifysgol Caerdydd; Dr Victoria Winckler, Sefydliad Bevan; a Gwennan Hardy; y Ganolfan Cyngor ar Bopeth. Helpodd Amanda Hill-Dixon, Dan Bristow, Manon Roberts ac Isabelle Carter yn WCPP i lywio'r prosiect a rhoesant adborth amhrisiadwy a sylwadau manwl ar ddrafftiau o'r adolygiadau polisi.

Manylion am yr Awduron

Mae Dr Irene Bucelli yn swyddog ymchwil yn y Ganolfan Dadansoddi Allgáu Cymdeithasol yn Ysgol Economeg a Gwyddor Wleidyddol Llundain.

Mae Dr Abigail McKnight yn Gyfarwyddwr y Ganolfan Dadansoddi Allgáu Cymdeithasol a Chymrawd Ymchwil Athrawol Cyswllt yn Ysgol Economeg a Gwyddor Wleidyddol Llundain.

I gael rhagor o fanylion, cysylltwch â:

Dan Bristow

Canolfan Polisi Cyhoeddus Cymru

+44 (0) 29 2087 5345

info@wcpp.org.uk

OGL Mae'r adroddiad hwn wedi'i drwyddedu o dan delerau'r Drwydded Llywodraeth Agored